

皇明經世文編

皇明經世文編卷之四百八十八

郡人

陳子龍臥子 宋徵璧上木

選輯

徐孚遠闇公 周立勳勒回

宋存標子建叅閱

徐文定公集

疏

徐光啓

敷陳末議以殄兇酋疏

選錄

臣伏蒙 聖恩游歷官案職在珥筆非敢與聞軍旅之事然而主憂臣辱古今通義四郊多壘卿士之

恥臣雖驚下、其忍坐觀國卹、隱情匿已乎、臣伏見奴
酋作逆以來、措餉調兵、經營決歲、終于覆軍隕將、三
路敗衄、此皆我謀之不臧、非賊之智力、果不可敵也。
臣生長海濱、習聞倭警、中懷憤激、時覽兵傳、竊見兵
家簡切肯綮之論、無如管仲之言、八無敵、鼂錯之言
四予敵也。管仲曰、論財而財無敵、論工而工無敵、論
乎制器而制器無敵、論乎選士而選士無敵、論乎政
教而政教無敵、論乎服習而服習無敵、論乎徧知天
下而徧知天下無敵、論乎明于機數而明于機數無

敵如是然後可以正天下矣。鼂錯曰：器械不利，以其卒予敵也；卒不可用，以其將予敵也；將不知兵，以其主予敵也；君不擇將，以其國予敵也。此兩言者，雖當世所習聞，實自古不能易也。若使兵雜而不精，技疎而不練，甲冑苦惡，器械朽鈍，節制不諳，分合無權，而不能戰勝，守固攻取，則管仲鼂錯爲愚人矣。臣聞岳飛用兵，明日將戰，必先會集諸將，度敵之所以勝我者，因謀我之所以勝敵者，展轉數四，計定而出，試論近日遼東之戰，我有一可勝敵乎？敵有一不勝我乎？杜

社時軍去甲冑而戰尤非法也

松矢集其首。潘宗顏矢中其背。是總鎮監督。尚無精
良之甲冑。況士卒乎。杜松劉綎。潘宗顏皆偏師獨前。
豈非無紀律乎。兵與敵衆寡相等。而分爲四路。彼常
以四攻一。我常以一敵四。豈非不知分合乎。戰車火
器。我之長技。撫順臨河不濟。開鐵寬奠皆離隔不屬。
豈非無政教乎。出關四十里。遇水不能渡。遇險不能
過。入伏不能知。豈非不識地利。哨探無法乎。如是而
求幸勝。果必不得之數也。今目前補救事宜。如調選
近地邊腹兵馬。以貼防遼東。堵拒山海。遠調西寧莊。

浪久練騎兵以爲後繼與夫京城稽察營操督視整
擷預備一切事宜已經中外臣工斟酌上請臣不敢
瑣贅臣之愚慮以爲戡定禍亂不免用兵用兵之要
全在選練此人人所知別無奇法但選須實選練須
實練若敵亦選練之兵又須別求進步務出其上苟
爲不然則強弱相懸如卵投石至則糜爛奚論衆寡
哉雖調集百萬亦空殘民命徒費資儲而已臣愚以
爲今日之計必須用管仲鼃錯之說一一細講而力
行之精求天下勇力捷技奇材異能之士豐其餉給

○大○物○指○神○氣○也○

厚其拊循優其作養。又精求良將以統率之。選用教師。羣居聚處。日夜肄習之。又博求巧工利器。如車乘甲冑軍火器械等。盡法製造以配給之。技藝既精。然後教之形名節制步伐止齊分合進退之法。中間激以重賞。董以重罰。教練既成。將臂指相使。雖赴湯蹈火。無不如意。如是者有士一萬人。可以守。出可以戰。有士三萬。可以埽蕩逆奴。且能控制西北諸酋。使讐服不敢動矣。臣爲此說。頗似大言。然臣所謂選士。非平時烏合之衆。蓋奇傑之士。衆中之翹楚也。一經一

邑亦無幾人。旣負異材。必須厚待。其製造器甲衣裳。屏履亦須數倍常格。此其勢自不能多。然而一人兼數人之餉。卽一人當數十人之用矣。昔齊桓之募士五萬。晉文之前行四萬。秦穆之陷陣三萬。越勾踐之君子六千。周武之同心三千。皆貴精不貴多之效也。臣志圖報國于富彊二策。考求諮度。蓋亦有年。今雖年力向衰。多嬰疾疢。而一切選練事宜。頗窺一二。第因條緒繁多。未敢瀆塵。聖覽如蒙採擇施行。容臣另疏逐一詳奏。倘臣策盡用。不能尅期見效。臣甘伏

輕言罔上之罪。若有法無人、有名無實、拘泥常規、因循積弊、諸凡選募製造操練等事、一不如法、一不應手、是皆繫騏驥之足、而檻猿猴之勢。此其不效、繇用之未盡、非臣之策失也。臣惟多難興邦、往昔格言、旋幹化機、在于人事。國家承平日久、綱維盡弛、幹國寧民之術、廢置不講。今日之挫敗、或者上天之仁愛、使君臣上下、惕勵振作、而免于大憂也。臣願我皇上上體皇天警告玉成之心、下念臣民潤艸塗原之痛、赫然奮發、聽言用人、激厲臣工、率作興事、叩

外威內順於萬斯年區區逆虜何足煩聖明宵旰之憂如或不然祖宗三百年生養之赤子海內億萬姓罄竭之脂膏徵發哀聚其難若彼耗散失亡其易若此尚不思同心共力推求所以然之故而改絃易轍天下事豈堪再誤哉臣忠憤所激忘其越俎冒瀆宸嚴不勝戰慄隕越之至

兵非選練決難戰守疏

選練

臣竊觀燕臺形勢北隣戎虜阻絕之區南控中原廣衍之處非若陝洛河東蜀漢荆襄河山四塞遷徙亦

可暫安。扼險猶能自固。故非兵無以立國。非戰不能守土。是京師者。必戰之地也。遼左爲京師左臂。負山阻海。隔閼華戎。陸走薊門。有直達之便。水走天津一帶。有四通之勢。若遼左不守。強敵坐大。山海以南。處處設防。費且十倍于守遼矣。故遼左者。必守之地也。

今日

宜○備○防○也○

也○

勢在必戰而無必勝之兵。勢在必守而無必固之策。則豈非數十年來因循弛廢。實使之然乎。夫奴酋之地與人。不過一縣耳。以中國較之。地千倍也。人千倍也。然而屢遭敗衄。覆軍隕將者。則奴之善用其小而

我。之。不。善。用。其。大。也。戰。者。角。勝。之。事。非。才。力。智。計。殊。
絕。于。人。者。不。克。也。語。曰。才。過。十。人。謂。之。英。過。百。人。謂。
之。雄。過。千。人。謂。之。俊。過。萬。人。謂。之。傑。是。有。十。人。者。必。
得。一。英。有。萬。人。者。必。得。一。傑。矣。諸。葛。亮。出。師。指。趙。雲。
鄧。銅。等。以。爲。數。十。年。之。內。所。糾。合。四。方。之。精。銳。非。一。
州。之。所。有。故。知。戰。勝。必。待。于。精。兵。精。兵。必。選。于。大。衆。
一。州。之。所。有。不。能。當。四。方。之。精。銳。明。矣。今。地。大。人。衆。
而。不。選。不。練。徵。兵。十。萬。大。半。脆。弱。集。合。諸。將。僅。得。精。
勇。家。丁。數。千。又。分。四。路。奴。則。廿。年。選。練。犀利。精。強。本。

苗號令極嚴。韋都用兵有法。又恆以大衆敵我偏師。

諸軍奪氣此六法也

并方攻○聚○一○軍○敗○而○

漸次騷除。能無盡乎。蓋奴雖寡小。能用一方之精銳。

我雖衆大。未嘗合天下之精銳。故再戰而敗。非不幸

也。令我之制器選士。教政服習。皆與奴同。則千倍其

地者。必千倍其強。豈有不勝之理乎。若但言徵發。不

言選練。此如擔雪填井。無絲毫之益。而有丘山之損

矣。臣之前疏。以爲必須選練者。正此意也。今日之計。

遼左宜一面應援。一面鼓舞。各邊宜盡法挑選。量行

調遣。以支目前之急。朝鮮同敗。固宜遣使慰撫。亦須

重加賞恤、使整率兵衆、列營境上、北關僅存、宜激厲振作、與鮮兵南北相應、以成牽制之勢、至於商求至計、必須選募海內奇材、速赴京師、精加練習、爲守戰之備、然後可以內壯京營、外援遼左、或與主兵爲唇齒、或調客兵爲犄角、無施不可、此議已經諸臣疏請、至再至三、但令各州縣召募解京、恐所選未盡合式、遽令却返、不止空費安家銀兩、尚須給發廻往資糧、苟因循姑用、未免又蹈去年覆轍、展轉思惟、終須就地選募、似屬長便、伏望 皇上勅下閣部大臣、博訪

廷臣不論資格但取堪任此事者選得數人更求將

募者大率洋誇無實之人徒費金錢毫無用此

吏數員爲之副貳派定省直先行會議選募格式練

任平者之天非建謀者之誤也鄙意募奇材虎上

習規條賞罰功令甲仗制度安家行月糧等項數目

以爲例行之用者多不過萬人亦止須于秦晉諸

務求畫一星馳分赴各該地方先期行文知會本處

處練募不必遍行天下至守禦禦仍須精練主客

撫按行令該管文武官員或挑營伍或募民丁依法

訓士者耳

揀選務得勇力捷技絕倫出衆者別有異材藏器不

肯赴募務要虛心諮訪百計蒐羅通候使臣到日照

式簡試每三四州縣衛所適中之處便應親往令赴

募者無得過二百里免致勞民損功簡試畢日分別

等第填注格冊，就行選委將領，各給安家衣鞋，及在途行月糧，陸續起發赴京，先于三大營中選擇良將，或別有簡用，務須謀勇足備，諳曉節制者，職司練習，隨到隨練，精選教師，擇取實用技藝，群居聚處，日夜講習，務令透曉精熟，候人衆稍集，合營團練，其選士之數，不必限定多寡，亦宜約量，每省直若干，裒多益寡，悉聽從便，總合大數，少則不必取盈，多則儘數遣發，如錢糧委係不敷，所餘人數，量行賞賚，許待後次取用，差去使臣，應給勅書關防，稍假事權，因令延訪

真實將材、保任舉薦、量移遷擢、以備緩急、又令訪求精巧工匠、一體從優起發聽用、乃至甲冑軍火器械、有精巧異常、及本地所產器甲材料、亦應製造博買、解赴該部、或給發操演、或依式成造、其選士所用安家行糧、在途月糧、及買造精利甲仗、一應材料等、應於本地地方設處、到京以後、月糧鹽菜激賞等銀、應於該部支領、其使臣與撫按以下、宜合心并力、共濟時艱、若有騷擾地方、徇情選舉、濫收罷弱、空費資糧者、責在使臣、其有偏信所司、朦朧推委、故稱乏缺無意

急公者、責在撫按司道、聽令互相糾舉、其蒐揚無法、
虛應故事、惜費憚勞、推托沮誤者、責在將吏有司、聽
令不時叅奏、其起發在途、生事擾民、凌虐誅求、脫逃
更換者、責在領將、事發嚴行正罪、其技藝不開行陣
無法、賞罰乖張、科剋財物者、責在練將、聽巡視衙門
綜核殿最、一應在事官員、俱俟選畢練成、課其強弱
堅瑕、分別等第、以爲功罪、嚴行賞罰、在外文武將吏、
一體考覈、本地方所選士衆、冊報吏兵二部、查核等
第多寡、依考功法分別黜陟、此舉若在必行、又能人

人盡力、事事合法、將聚有虎豹之勢、散有率然之形、進有雷霆之威、退有金湯之險、不過上等精兵一二萬人、戰可必勝、守可必固矣、倘慮各地方錢糧無從取給、宜令撫按司道官、實查各屬庫貯銀兩、卽非在在充溢、必有一二堪以動支、那借者、前後官司地方耳目、誰能掩覆、且同舟求濟、逃雨安之、而坐視阽危、賢智者不爲也、臣民慕義捐貲、倘蒙皇上優加激勸、必有源源而來者、亦可隨處給用也、若慮餉司缺乏、則新兵教練、少止數月、多止一年、截長補短、半歲

爲期半歲之餉多不過二十餘萬各衙門宜念勢在危迫悉心并力那移計處當亦無難教練旣成就可選汰各營罷卒并名抵補外若遼鎮內若京營以至保河通津薊永昌密皆可轉弱爲強亦永無新兵餉給矣或疑時事方艱無暇選練臣謂正惟無暇故宜亟圖所謂七年之病三年之艾苟爲不畜終身不得昔戚繼光爲叅將逼臨倭壘閉營練士期以三月而成督臣胡宗憲促戰不聽將行軍法撫臣阮鶚力爭得免練成之後所至克捷斯亦前事之師也伏望



皇上不棄芻蕘之言、亟爲桑土之計、立賜施行、庶幾早圖一日、早濟一日之用、不然者、遷延觀望、坐眈時日、後來事勢逼迫、計不得不出于此、然而愈無所及矣、再于天威不勝戰慄、隕越之至、

遼左阽危已甚疏

守遼事宜

伏見逆奴稔禍、建國僭號、攻陷開原、將士覆沒、遼陽廣寧、岌岌不保、關內人心惶惶、靡措、此其勢非昔年之俺答、實宋朝之兀朮、完顏亮也、皇上一聞警報、旋用經臣、舉朝人心翕然慰藉、然臣之愚慮、譬如粘

天風浪而行船渡海、經略則舵師矣、其餘篙工楫徒尚賴多人、帆檣櫂艫尚須多器、多人又須便習、多器又須精好、若一有闕欠、一有龕疎、舵師雖精心妙手、亦且無如之何、况闕欠龕疎者非一人一事乎、必得上下中外畢慮虛衷、力者盡瘁、智者殫竭、早夜亟圖、庶乎汔濟、臣實腐儒、憂心如噎、謹牽率固陋、條陳畫一、雖所言者或似一時難辦、然醫人用藥、視病之所宜、不問病家之所有、苟非此藥不愈、雖索之遐方、售之重價、畜之三年、豈容已乎、臣自三月下旬建議、選

練就此時論，豈不迂緩。然臣策若用，迄今三月，亦必稍有次第。何至乃如今日百無一備也。且遣將調兵，措餉修守，一切救急之策，與臣之說，拮据並作，何相妨碍。蓋急着緩着，兩者皆不可廢。用一備二，更有得力之時。惟在速行之而已。若遲之又遲，直至勢盡理極，而求霍然立解之術，臣雖艸澤庸醫，實知天下古今必無此良方，必無此國手也。伏惟聖明裁擇施行，臣無任激切惶悚之至。

計開

一亟求真材以備急用。臣竊攷前古承平之後，漸貧漸弱，因而紐解綱弛，迄于不振者，病在乎拘泥常格，因循積弊也。于今所急，莫如文武吏將，第恐資格序用，加以弊竇倖門，卽用者未必才，才而用者未必當，兩者皆足敗事矣。取人用人之法，臣多有其說，未敢瀆陳。目下權宜，似應令在京諸臣，各舉所知，不論大小官員士庶，及罪廢人等，但有文武材略，乃至絕技巧工，開具所長，今應作何錄用，各送堂官，咨送吏兵二部，再行博訪，各隨相應職事，或推陞，或改調，或咨

取一一置之在京衙門及畿輔近地以憑隨時副急
逐便差遣所舉人材建有奇功舉主分別賞擢若誤
國債事亦隨其情罪重輕連坐舉主在外撫按下及
守令坐名薦舉類奏咨部陞調取用竝依前格如此
薦有實才官有實效絕勝于臨事倉皇而莫知所寄
也

一亟造實用器械以備中外戰守法曰知彼知己百
戰百勝今奴大勝而我大敗者三矣豈可不知其所
以然乎臣無論其精者卽甲仗器械行陣馬匹乃兵

家麗迹我亦事事不如。在事者何以不知。知則何以不求勝着。而驅不辜之將士。載有用之軍資。填諸無底之壑也。據朝鮮報稱。奴寨北門。鐵匠居之。專治鎧甲。向亦聞其鐵工所居。延袤數里。臣又見在遼回還人等言。賊兵所帶盔甲。面具臂手。悉皆精鐵。馬亦如之。故鮮營對壘。被奴步兵驟進。將拒馬木登時撤去。鮮兵非無銳箭。而無可奈何者。甲堅故也。我兵盔甲。無如時時連氏之制而即于軍中製造既背荒鐵。胷背之外。有同徒袒賊于五步之內。專射面臑。每發必斃。誰能抵敵。此外臣不敢一一煩稱。只

舉甲冑一節。可以類推。况又與之大小火器二萬平。大抵此酋勵志四十年。尊禮謀士。厚養健卒。博咨密議。簡練訓齊。其製器選士。政教服習。不合于法者鮮矣。所恃者我之地大人衆。欲索巧工。欲購美材。欲求精堅犀利。勝奴一倍再倍。以至十百倍。不爲難耳。今直棄置不講。講者又嫌爲迂緩。必欲取辦目前。則有仍前朽鈍而已。何時得勝敵之器而用之也。今宜大破常格于前項薦舉人材。擇其知兵有識心計智巧者。專領器局。仍博求海內名工名器。商榷製造。一切

盔甲面具臂手刀劍矛戟車仗牌盾大小火器之類。務求精密堅緻鋒利猛烈數倍于奴。求精之法宜除積弊立成規酌舊法出新意。或令用者自造而給之。或令造者自用以試之。其間法度纖悉臣不敢臆列。但得其人以法聽之可也。

一亟行選練精兵以保全勝。伏自奴變以來中外臣工百爾所思矣。臣展轉揆度意緒萬端而獨以選練一事再疏塵瀆者誠思千籌百計摠以精兵爲根本。若無精兵雖多得良將無可用多有奇謀不得用多。

造利器莫能用。多結外援弗敢用也。奴酋積強久練，步騎俱精。昔人稱匈奴之長技三，中國之長技五，兼而有之矣。我兵南北主客十餘萬衆，豈無良將勁卒，止因不選不練，無器無法，如卵投石，薰蕕同盡耳。今只謙募議調，如昨年故事，雖多至數倍，難免于敗。卽使精加挑選，人人出賊之上，又恐技藝法制，在在各別難以合營。且諸方各有所長，各有所蔽。其長者或宜于昔，不宜于今。必求齊衆若一。分令如意，守莫能攻。戰莫能敵。計非選練不可。選練之法，又須大破常

格將前項薦舉人材、精加簡擇、當事者虛心降意、問以選取格式、練習規條、賞罰功令、甲仗制度、各令條對、擇其尤者、斟酌詳定、一體遵依、酌遣若干員前赴各該地方、如議行事、其前後差出文臣、須重其事權、以便彈壓、更令廷臣推舉重臣二員、總理江南十省、直江北五省、直及各邊選練事務、委任責成、他日若以器械不利、卒不可用、再致敗衄者、坐以失誤軍機之罪、如此必不敢冒昧阿徇、苟且塞責矣、或疑屢敗之後、人必畏懼不應、臣以爲畏懼者、就令肯應、原不

得入選也、億兆人中素懷忠義、自矜材武、願奮功名者、不知其數、獨是如常調募、決不肯浪歛遠東、若差

德以兼夫使臣賢否為主

去各使臣、行文榜諭、或與面講細商、爲言、今日選練之衆、宜與爾輩一色精強、所用如此甲冑、如此器械、如此銃砲、所習如此技藝、如此營伍、如此號令、今日如此給餉、如此體貌、他日如此進戰、如此退守、後來如此功賞、如此勲名、豪傑之士、必且人人首肯、灼知此行大異管日、前有萬勝之樂、後有莫大之榮、聲應氣求、開風接踵矣、何患不肯應乎、若不能重事權、嚴

責成、除宿弊、一法制、捐厚費、廣招徠、臣恐所募士衆米必大異于前也、

一亟造都城萬年臺以爲永永無虞之計、易稱設險守國、平居且然、況值門庭之勅寇乎、臣歷考前代兵政之弛、兵勢之弱、未有如今日者也、居必戰之地、無可戰之兵、而求萬全無害、非有度外奇策、曷克有濟、臣再四思惟、獨有鑄造大砲、建立敵臺一節、可保無虞、造臺之法、於都城四面、切附門垣、用大石壘砌、其牆極堅、極厚、高與城等、分爲三層、下層安置極大銃

砲中層上層以漸差小。臺徑可數丈。每臺約用慣習精兵五百人。其最大砲位。平時收藏內府。第二三等藏之戎政衙門。聞有警急。卽行修整安置。賊寇攻圍。相機施放。雖有大衆。一時殲滅矣。臺大銃大。周城只須十二座。形裁或小。量應加添。再將舊制敵臺。改爲三角三層空心式樣。暗通內城。如法置放。但造臺製銃。多有巧法。毫釐有差。關係甚大。須于前項薦舉人材中。求其深心巧思。精通理數者。信任專管。斟酌指授。仍行擇取人員。作急訪求。閩廣浙直等處精巧工

匠召募賞給皆從優厚以便成造其慣習火兵尤宜訪取教師作速訓練至厰庫所貯舊存烏銃佛郎機等項火器亦須逐一整頓仍令放者自修或修者自放勿致潦艸疎畧以備城堞樓臺擊賊之用臣再思惟前項火炮除最大者宜守不宜戰宜都下不宜邊城難以頒給外其二三等者目今遠左京東旦夕危急儘可施用但此時未及成造卽成造之後若無精兵恐反爲敵有如撫順清河開原之守三路之戰一時盡以藉寇他日更無後着矣必得堅甲利兵銳士

良將挾以戰守、乃獲十全、臣所云千籌百計、總以精兵爲根本者此也。若遼左京東諸城、依式豫造敵臺、暫置見存大砲、選兵施放、亦是上策。但遼人不善火器、且不肯習、其守臺放砲、非南兵西兵、從本管將官擇取原籍家族衆盛、及素有行止者、不可用耳。薊鎮原有敵臺、及守臺南兵、略可依倣建造、但制度不同、尚須分遣人員、如法指授。臣又見方今言守城者、皆云能戰然後能守、故宜城外結營以待敵至。臣豈不知此爲正論、而今所陳、乃是嬰城固守之策。蓋臣實

知見在邊腹兵馬皆非奴敵卽再行摘發或廣行招募加以練習而有一事不如臣言不合臣法終無戰勝之理惟宜用臣此說大修守禦之備而堅壁清野使賊退無所掠進必被殲卽守在遼東賊必不敢驀越數城長驅深入日下調募官兵宜盡取各邊精騎不必求多再行募選南將南兵長于守城者令其至遼分發諸城協助防禦蓋邊兵不善守城遼東爲甚如近日遼陽脩守全賴川兵此一驗也若其敵小勢輕可戰亦戰氣竭情歸可襲亦襲不拘一法相機進

止、卽人知今日調募未嘗責以必戰、亦無有抗違不前、如宣鎮永順者矣、遼城堅持數月、內地盡法選練、成師之後、便堪大戰、漸次恢復各城、因而相機進剿、亦不爲難、且令西北諸虜聞風膽寒也、

一、亟遣使臣監護朝鮮、以聯外勢、臣竊惟逆奴累勝未遂深入者、後有北關、前有朝鮮、非彼貿首之讐、則我懷恩之屬也、今開原不守、北關隔絕、鞭長不及馬腹、必且折入于奴、朝鮮則師徒喪敗、魄悸魂搖、昨傳謾書恐喝、挑激鮮之君臣、事勢狼狽、旣爲遜辭復之、

繼以敗將俘軍羈留爲質且怵且誘遂入牢籠贊幣
餽牽交酬還往鮮奴之交已合蕩然無復東方之慮
矣從此安心西略奚止唾手全遼射天逆圖殊未可
量即使遼左尚存而鎮江寬莫再一有失朝鮮又爲
異域後來合小攻大鮮或不從脅求假道易于反掌
况奴之狼戾無親鯨吞莫厭弟臂至親皆殺而併之
近
何有于鮮哉二者居一焉卽我水陸萬里皆爲寇塲
矣晉楚爭鄭終春秋之世者爲其左投左重右投右
重也今結好朝鮮旣是奴之狡謀則聯屬朝鮮卽爲

我之勝筭臣考古制天子使大夫監于方伯之國。漢
開河西四郡通西域置護羌戍已校尉都護長史司
馬以控制諸國斷匈奴右臂監者察其情形護者扶
其顛危也朝鮮形勢略似西域寇氛之惡亟於匈奴
安可置之度外乎。皇上數年宵旰殫財竭力爭滅
國于強倭之手挈而與之今者不賴其用而弃以資
敵失策之甚者也。經臣楊鎬咨行該國激以大義勉
以自強是矣。大義彼所夙諳其如強威狡計誘脅百
出宜須日夕提撕至于自強之策則該國素習文弱

豈能強勉臣之愚計，謂宜倣周漢故事遣使宣諭。近世奴

峻詳之。後而朝廷不行遣使，論為天策也。

而監護其國。時與聞明華夏君臣，天經地義，加以日

逐警醒，使念皇上復國洪恩，無忘報答，再與點破

奴賊之巧圖惡併，是其故智，要盟偽約，豈足依憑，鮮

之君臣明理蹈義如此，而命耳提，寧無感動奮發，察

彼心神無二，就與商略戎機，令其漸強，可戰可守，若

被誘脅，情形變動，便當責以大義，一面密切奏聞，以

便措置防範。大都出疆機事，難可豫擬，揔其大指，不

出監護二端，倘合濟師，及他申索，亦宜隨時度勢，斟

酌聽許如此卽狂謀無厭可以犄角成功若暫守封疆亦是輔車相倚譬之奕棋雖布閒着實得外勢必勝之術也此項差遣宜用大臣但恐事機難料仍須回顧國體若選取名將乃是戰守急需使事所重又非全在武力泛遣弁流冗職祇以辱國債事而已竊考詞臣奉使該國自有成規臣今自薦願當此任遼事激切不必多抽士衆只須議定餉給聽臣選擇叅佐義從二百餘人中帶巧工教師以便相機應用臣本文儒未習軍旅封胥禪衍之功何敢遽以自許至

如古之良使。傳其信辭。士之有恥。不辱君命。臣雖不敏。竊有庶幾之心。但此舉兵家奇道。雖事等班超。而勢非強漢。機欲潛深。法應秘密。出疆之日。身入羊群。實垂虎口。安危呼吸。宜資權變。事情遷貿。難拘一律。如蒙聖明特遣。受命以後。仍望稍假便宜。以求克濟。

按遠將北關。日夜謀孽。思勦奴以爲利。我又百無一備也。徒使之焦心竭力。深謀密計。整撓訓練。圖自保之策。而我又憊無聞知。致有邇歲之事。卽奴

又何嘗夢想及此哉。奴之步兵極精，分合有法。而談東事者，但以爲長于弓馬而已。揔由望敵先奔，至于今未能知彼故也。

又按敵臺果如法，不附城無害，卽四面受敵無害。第難爲慮。始者言故累疏，皆云切附門垣，而遠計者皆恐臺爲敵有，不思得臺卽得城也。近歲寧遠被攻，穴城至五十餘竇，垂破矣。大砲一擊，殲賊至一萬七千人。老酋宵遁，豈有大臺貯銃百倍堅城，遽以委敵者乎。

又按四路旣敗、奴賊威脇朝鮮、與之通好、傳所謂
從於強令、豈其罪也、第此語得諸經略疏中、非無
徵之言、而鮮人辨疏、極力抵諱、且語意與此疏相
應、爾昔曾未發鈔、不知何從洩之、雖然若果行此
鮮國君臣、必相允從、練得鮮兵二萬、可以坐制奴
賊、而鮮君亦無他日之禍矣。自記

恭承新命謹陳急切事宜疏

選兵製器

該吏部題爲都城防禦宜周乞允訓練之臣以固根
本事奉 聖旨是徐光啓陞詹事府少詹事兼河南

道監察御史管理練兵事務，欽此。臣猥以淺陋，職在詞垣，兵旅之事，向未經歷。頃因東事急迫，屢疏論列，苟求效芻蕘之益，非敢爲媒進之階也。誤辱聖恩，三頒綸命，擢貳端尹，兼列臺銜，驟越四階，躡超前輩，以不材之資，值孔棘之會，度德揣時，恐終不勝其任。至於選練一法，將欲使智勇材藝人盡其長，工械技巧物究其極，然後可以折勁敵之衝，保金湯之固。此則臣之愚見，臣之夙心，始終不敢於君父之前，轉換一言，亦不能于僚友之間，遷就一字，必依臣言，必

用臣法則臣之三疏具在矣。一一致行而兵不可用。臣任其咎。如言之不用。臣亦知言之不用。而但就目前事勢。日昧支吾。日復一日。倉卒有警。伊誰之責。譬如醫師治病。不憑其方。不用其藥。但以他人之方藥。令其炮製修合。甚且并炮製修合之器具材料而靳予之。爲醫師者得無拱手而承不效之罪乎。即使百凡如志。而教練未就。遽使從征。與夫烏合之衆。相去何幾。是猶摘未熟之果。必不適於口。服未成之衣。必無救於寒矣。伏望 皇上大奮乾斷。俯允臣言。使得

展布四體以圖尺寸之效如或不然恐無補於事有
悞于國所負拔擢之恩且傷 皇上知人之明也爲
此先將一二急切事宜畫一上請伏乞勅下該部作
速施行其餘容臣陸續條奏臣不勝願望祈懇之至

計開

一議待士臣聞古之兵皆稱爲士居四民之首或稱
君子貴之也貴之者所以勸爲士也後世視如隸役
有身家顧體面者不入其中十人之英便欲登爲將
領所以卒皆孱弱軍無練銳岳飛治兵用其勇力層

累擢用。其尤者便置親隨背嵬軍。諸軍統制而下。與之抗禮。犒賞異常。勇健無比。凡有堅敵。當之卽破。然

豈能盡爲背嵬

臣尚恨岳家軍不能盡爲背嵬也。臣願一軍皆依此法。初到募兵。除不及等者退去不用外。收用者考其勇力捷技。分爲隊兵。鋒兵二等。一體教練。隊兵進益陞爲鋒兵。鋒兵之尤者陞爲壯士。壯士之尤者陞爲上士。上士待之如武舉之禮。壯士待之如武學生之禮。即于軍中選將法之至善也每隊長哨官缺。于上士中角技補之。千把總缺。于隊長哨官中角技補之。將領缺。于千把總中角技補

之其有殊材異能。比併無對。可徑補將領。以及上士者。不在陞等之例。其隊兵應照例給月糧一兩二錢。四等兵士。每加六錢。上士照東征事例。月給三兩而止。若給本色。以時估扣筭。其操賞銀。又須從厚以示激勵。及冬衣布花。皆不在餉銀之數。至于大小將領。臣欲使于兵士不得尅減一文。但不恤其私情。優其俸給。徑束以法。是使人不以道也。旣恤其私。犯者不貸。而又激以忠義。勗以功名。向上者必多矣。祇今遼左用餉不貲。司農束手。臣又一一求多實是點金無

術似此勉強支持不得不從其薄臣又何術可以濟

精○後○

其不足臣又何心必欲強其不能臣所知者養士如

○之○語○

買市物價高一分貨值一分臣請與兵部約曰量有

若干之餉可付若干之兵請與戶部約曰欲練何等

之兵即發何等之餉如臣所謂隊兵者只可以守堵

所謂鋒兵者可為守城游奕所謂壯士可以小戰取

捷所謂上士可以大戰破敵用之多寡以敵之多寡

強弱為度如是而已倘謂今京營之軍月米一二石

何事新兵獨須厚餉不知營軍操日不多且質明而



散正須各尋生業以餬其口。若食餉一二石。又須日

此務多而不惜

之患九

日肄習。必皆化爲餓殍矣。營軍所以不振而易譁者。病根在此。非獨性異人也。今之新兵。可使各尋生業。平都下貧民傭工一日得錢二十四五文。僅足給食三冬之月。衣不蔽體。臣故言新兵日用最少者。必須四分差等而上。愈精愈厚。按復國要編。東征兵士月餉三兩六錢。朝鮮供億在外。然而功實未著。當時諸臣不能無罪。臣雖竭其駑鈍。但能使無虛糜耳。食今日傭工之食。而欲收岳飛背嵬之效。臣不能也。

一議揀選遼左用兵多而不精前效已見兵不選而遽練如鎔鐵求金舂砂作米畢竟無有虛費工力也因循用之有名無實自知難以勝敵心念只在脫逃所以臨敵先潰覆敗接踵臣之初議謂須精選勇力捷技之士者謂其體質本領既是人間英物必能以忠義自許必願以功名自見如此而加之政教服習取數旣少卽糧餉可以從厚器甲可以求精以之禦敵能保全勝也目今調募未見畫一規格恐地方奉行無所依准臣願與部司議定冊式頒行各該地方

每募到一名、試驗填註、必期合式、方准收用、選畢依式造冊報部驗收、其不合式而濫選者、與冊本合式而點驗不對者、除照例退歸外、仍各罪所由、庶幾糧無虛糜、人有實用、所定格式、大略以膂力便捷技藝三事分別等第、其膂力能提石二百斤以上、行動如常、躍起高三尺以上、跳越過六尺以上、形軀大而雄猛、小而精悍、年十六以上四十以下者、即准合式、等而上之、乃至力及千斤、捷踰丈數、日行數百里者、各第高下、分爲三等、其現有技藝者、分爲諳曉純熟精

妙三等。若力不及格。年過四十。而便捷技藝。有一在
上等者。亦准令式。三等人數。安家銀兩。量行差等。厚
薄。候著伍之日。再行考驗。上下其餉。教練之後。日成
月要。升降其等。內外募兵官員。若一處人數不足。應
于他處通融足數。不必拘泥取盈。多費有用之餉。遠
致無能之人也。

一。諫軍資。臣惟凡人之情。皆有保國保家之公心。皆
有好高好勝之習氣。強壯之人。無有不可戰者。顧處
置何如耳。我能制敵。何憚而不戰。敵能制我。何恃而

戰從前屢敗。皆敵能制我。我無以制敵故也。欲我制敵。先議器械。欲敵不能制我。先議盔甲。奴賊盔甲面。具極是精堅。所用長鎗飛鎗透甲箭。極是鋒利。今欲制其利兵。必用通身純鐵精甲。又須輕便。欲制其堅甲。必用如式烏銃。更加奇巧。此二物每人一具。斷不可少。其甲衣甲裳頭盔面具護項護肩掩心臂手鞋帶等。皆須熟建鐵。一斤折一。并皮氈布襯煤炭工食。欲求精好。所費不貲。酌量中等費用。每副非十二兩不可。烏銃欲求精。所費亦多。酌量中價。非四兩不

甲之鐵精則自輕矣

可。此外每人用鎗叉等長短兵器一具、腰刀一把、及
捱牌奇器等。其材料工食酌量中價、非每人三兩不
可。已上諸項皆須給銀付餉司兼管。臣等監督將士
自行製造。方得對身對手。且身命所係。惟恐不精。必
無濫惡。至於目下操演。合用內府廠庫原貯盔甲兵
器大小神器硝黃等項。容臣等酌量移會。應給發者
徑自給發。應奏請者。另行奏請。若戰車之制。臣擬用
數等。一輜重大車。只須臨時查刷民車賃用。一雙輪
戰車。一獨輪輕車。一大小砲車。須工部給價付本營

自造。凡馬市馬止堪騎坐，必用戰馬，須本營將士自買自養。其買價或太僕寺動支庫銀，或於俵馬地方改折解寺給發。其養料或戶部撥給牧地，或於寄食地方改折料銀解太僕寺給發。目今先祈勅下工部速發料價銀數萬兩，并會有材料鳩工局造。

一議近募新營創造，百無一有。各執事員役雜流，皆須逐一選用召募，皆須俸給。遠者更用安家銀兩。新兵出自民間，全無武藝，急須選取各色教師，一應置造。又須召募工匠，或材官武士，現來投充者，亦宜收

錄以開嚮用之路皆須急用安家糧餉并臣衙門公費乞勅戶兵二部速行議措餉銀數萬兩應用其教師工匠投充人等每募到若干可省遠方召募若干容臣等不時移會兵部行文扣減

一議徵求軍中所需精好器甲大小神器及軍火器材料教師巧匠有遠方所有近地所無者須一一徵求以便傳授製造乞勅兵部移文南直隸撫按募送長鎗叉銃鈎鐮等教師各十數名浙江募送長鎗刀

竹鎗不宜于北爲風燥烈即

牌等教師各十數名買解二丈竹鎗五千根二丈以

皇明經世編

卷之一

无

平露堂

碎也

射虎毒藥也

下硬桿木鎗一千根。虎藥數十斤。福建募送俞家棍
教師十數名。製造大小銅鐵神銃巧匠十數名。買解
二丈竹鎗五千根。二丈以下櫟木鎗桿三千根。一丈
以上櫟木棍桿二千根。廣東募送能造西洋大小神
銃巧匠。盔甲巧匠各十數名。買解西洋大小諸色銃
砲各十數具。鉄盔甲十數副。湖廣募送土司刀牌藥
弩教師。永保鈎鎗教師。苗刀鉄匠各數名。買解弩藥
數十斤。苗刀百口。雲南募送土司皮甲匠十數名。買
送皮盔甲十數副。沅江麗江及土舍蔣郎藥弩各數

十張。藥數十礮。貴州買解銅仁土苗木鎗桿數百根。苗刀數十口。河南買解嵩縣長鎗木桿二千根。山西買解五臺檀桿五千根。山東募送鎗銃鉤鑷竿子等教師各十數名。買解木鎗桿二千根。宣府大同寧夏甘肅各募送善造盔甲火器鉄匠善製生熟皮匠各數名。其他名師名工名器。容臣等再行體訪。或行文本處或差官召募置買。若地方官能一一訪求。量行募送買解。具見體國忠誠。合行紀錄。

一議勸義。伏見兵興以來。臣民慕義捐貲者。如委壑

逝波不見其益。且未立賞格。人誰樂從。臣以爲輸財助餉。不若使輸餉募兵也。官選兵。不若使人人選兵也。請定爲三義。激勸之法。其一有財者。告明官司。自選壯士。給與安家銀兩盤費。到京依式置造精好器

所論也

此即上式

甲。着伍之後。官給糧餉者。名曰義募。所募之士。聽臣等選中。類爲一營。曰協忠營。後來兵士得有功級。其募者酌依部斬事例。每二十級。准敘一級。其一有財者。自選自餉。安家器甲。行月糧俱不煩官。止于本地。告官驗送。着伍之後。不論年月。通行資給。名曰義餉。

所餉之士。聽臣等選中。類爲一營。曰大義營。後兵士
得功一級。其餉者亦敘一級。此外有不能輸貲而能
招徠豪傑。于所在官司。驗試起送着伍者。名曰義薦。
聽臣等選中。即于兵士冊籍填入薦者姓名。給與執
照。後來所薦之士。有積功至指揮僉事。積賞至十級
以上者。薦者分敘一級。願賞者聽。其三項義人。陞至
指揮僉事以上。願就文職者。分別品級。從優改授。與
恩蔭官等。願以功贖罪者。酌量情罪輕重。功級多寡。
准與減免。文武職官。廢閑在籍者。酌量起用。若三義

人身在行間別有親斬部斬功級者另自陞賞不相
侵併其餉至十名以上募至三十名以上薦至五十
名以上者所在官司或送扁額或行獎賞先示勸勵
如此人自擇人搜採必精義士不枉費兵伍得實益
矣但臣所統率盡是腹裏平民生來不見兵革若非
厚餉重賞精甲利器堅車良馬教練成就尚不堪爲
援遼之用況於自募自餉者豈容勉強調發以塞嚮
義之途亦須練成之後人人智勇然後惟皇上所
用耳

按此時無望發帑不求加派故有勸義一款而風聞者亦多重趼而至輦金而來矣。迨事多掣肘皆廢然而退。藉令此輩得用固可省經費之什一。卽不然而遽發帑金以五六百萬計者。便如段頰言三冬二夏足以破滅也。事半功倍。惟此時此虜爲然。自記

皇明經世文編卷之終

皇明經世編

徐文定公集

卷之一

選兵

三

平露堂

皇明經世文編卷之四百八十九

郡人

陳子龍臥子 宋徵璧尚木

編輯

徐孚遠闇公 何 剛愬人

謝廷禎提月參閱

徐文定公集

疏

徐光啟

兵事百不相應疏

練兵

臣本腐儒荷蒙 皇上非常之遇委以練兵事務時
勢艱危主恩隆重誼不容辭業於本月十五日條陳

急切事宜十款。恭候命下。同各該衙門逐一施行。然以未奉欽敕。諸凡事理。皆約略言之。實不知所練何處兵士。爲數幾何也。如臣愚見。最多不過挑選精壯

多

一萬歲者尚言共

二萬人。就於京營左右陸續建立營房二千間。工部陸續支給器甲車輛材料四十餘萬兩。戶部每年支給糧餉五十餘萬兩。一應軍資得各該衙門逐一應手。臣再求副貳贊畫四五員。博選良將數十員。一面造器。一面練兵。一年之後。庶幾可用。萬一不測。未及成軍。而醜虜長驅深入重地。則先教之施放火器。聞

得內府厰庫大小火砲多如山積。若以此二萬之衆與京營兵協同守禦。再行建造敵臺。改造大砲。堅壁清野。賊雖十萬來攻。必令時刻之間。盡斃於堅城之下。此臣之本計也。若製造未精。教練未就。雖十倍敵人之衆。必不可戰。遼東三路。可爲殷鑒矣。然臣近商之戶部諸臣。咸言此餉毫無措處。目今通州民兵月給。亦係借用。不可爲常。計在工部。亦復不易。而通州先到山西民兵。數僅三千。尚皆露宿。目今天氣漸寒。若非速建營房。將何棲止。昌平天津兩處。何獨不然。

然則如臣所計約略二萬人尚費若干措處乃近聞

兵部議將各省民兵四省召募兵并近擬召募八府

民兵約共六萬之衆分駐三處一切教練盡屬於臣

朝廷諸事專以內有名無實由莽欲速每如是也

此則臣力所必不能勝亦今日所必不能辦抑且目

前日後皆有危險之形不容不瀆陳於皇上之前

也夫承平旣久廢弛已極而遽求精兵未易言也戚

繼光昔時名將身經百戰其在浙江止能選練三千

人爲鴛鴦陣以勝倭然倭奴亦無大衆後來總理薊

鎮譚綸爲總督兩賢提挈司道偏裨皆一時之選又

以浙中舊練精兵三千爲之基本。將欲練兵六萬爲
出塞之舉。畢竟不能。止增募南兵二萬。月餉一兩五
錢。教練三年而成。又用主兵班軍之力。建造三層敵
臺千二百座。所以薊門安枕。至于今日。然以匹馬不
入爲功。未能與強虜決機兩陣之間也。蓋練兵之初。
其難如此。臣無譚戚之才。無經歷之素。無慣戰之精。
兵良將。欲以一老書生奔走竭蹶。令於歲月之間。統
烏合之衆。練成精兵六萬。其將能乎。此臣力所必不
能勝者也。戶部舊新二餉支吾遼左。尚苦不給。新兵

糧餉若薄與無兵同、即使約量中數六萬之衆、亦須歲支一百二十餘萬兩、工部器甲、除內府大砲外、無一堪用者、皆須新造、造不精利、與無兵同、應須支給料價一百餘萬兩、就得料價而一甲一銃皆須數十口工、何時齊備、堪以對敵、至于營房一節、三衛州各該建造二千餘間、又須在月今半月內完工、過此沍寒一至、土功難成、兵無着落矣、凡此三者皆今日所必不能辦也、大衆所在、食用不給、衣服不完、人情當何如、數萬之衆、悉令露處寒風朔雪之中、人情當何

如既爾飢寒救命不給何由朝夕訓練萬一寇至又負六萬之虛名必將責之以戰朽甲鈍戈裸裎徒跣勝負當何如此則目前日後危險之形也夫以天下重徵疊募之兵盡付于臣以索餉製器建立衙門安插士衆之事盡屬於臣而且齟齬在前險難在後正如未經力作之人偶遇主家事勢急迫勉強負荷卽一夫之任尚未知其能勝與否遽以五千人之擔而悉委之又使履危涉險此其人惟有顛蹙而已更無他矣一人不足惜如憤事何哉伏望 皇上立刻敕

下戶兵工三部會同九卿科道酌議停當、必須用衆六萬于三處安插者、戶部合當豫計餉銀若干於何出辦、工部豫計器甲車輛火藥料價若干、于何支給、兵部豫計馬匹料艸若干、於何取用、一衛二州三總速令豫計、每處兵人二萬、有無房屋棲止、無則作何安頓、建造營房、作何措辦、可以刻日速完、一一妥當、然後倣譚綸戚繼光事例、分命廷臣三人、各設副貳餉司贊畫、并應用員役分駐訓練、臣之不肖、願當其一、雖則如此、旣成之後、亦只宜製造大砲、分守近畿

諸城而已。此言所募不遠人許有非常之人必欲與奴賊之兵交鋒接刃。自非博選天下奇材一二萬人製造極精器械一人食數人之餉

教練經年必不可用也。臣先後四疏語意皆同先資之言不敢有貳。然臣陳說雖多無一當時之用而猶敢冒叨恩命者尚冀出身任事之後將行其言。僥倖于一成也。今臣身用矣而臣言決不用矣。明知灼見無倖可僥而猶因循時局勉強支吾今日知事之不可而謂之可。是謂欺君之臣。他日知兵之不可戰而令之戰。必爲債軍之將。此兩者臣不忍爲也。儻終不

用臣言請乞 皇上別簡才賢以膺斯仕臣不敢受
事且請并禱原職以爲本無才略輕言冒進之戒臣
有跼伏草野感戴 聖恩而已

實錄纂修官董宗伯其昌論曰臣按宋事岳飛之兵
能以寡擊衆固有挫衄者背嵬五百爲之先驅耳
此皆所謂百金之士也招之者在先得數人使其
以類轉相羅致如一燈之火散爲千燈河朔少年
荆楚奇俠豈患無人哉今之募兵人以二十金爲
率又有扣減而弓刀衣甲皆在其中實不下十餘

金耳。問左健兒負戴屠酤。身不出里。數金可得。肯遠戍沙場。以頭顱僥倖哉。惟卑田游手無復生活者。定計於逃。方復應募。雖得數十萬。但可澤量耳。此疏所謂非博選天下奇材教練一二年。決不可用。是實歷語也。

又按今之兵皆不可戰。今之主將亦知兵之不可戰耶。抑否耶。然而皆令之戰矣。總由身不在行間。它人死生。我無與也。豈有身不在行間。不與三軍共歿生。而可以司三軍之命者乎。果與三軍共歿

生必將計其所以生。必將計其所以無死。必將計我之所以禦敵。所以制敵。而戰可勝。守可固矣。無論古昔。卽近世文臣如王靖遠之於滇。王威寧之於虜。王文成之於逆藩。阮中丞譚襄敏之於倭。皆身在行間者也。况武將乎。自記

巡歷已周實陳事勢兵情疏

兵情

臣本庸愚。誤蒙特簡。昇以戎旃。其間兵之大勢。與臣言之可歎

之本懷。絕不相蒙。前後諸疏。詞窮意悉。不敢繁稱。以瀆聖聽。惟是隨時就勢。巡歷已來。所行事宜。義應

入告、且有事機關係、速須斟酌、以求允當者、不得不
控陳於 皇上之前也、臣于三月二十日以後、前後
巡歷通州昌平二處、據山陝河南三營冊開原額民
兵一萬六百名、內除三月以前、沿途逃故、并選取援
遼上等民兵外、實在者止六千八百三十七名、向來
行文清勾、陸續解到逃兵、并臣所募補教師家丁等
共新收入百三十九名、今七月見在食糧民兵七千
六百七十六名、此臣所轄三營兵數也、臣自三月受
事、前後逐名點選、覈其年貌、程其勇力、除已前選去

援遼今營中俱無上等外止千中等下等內選出中
上等七百一十五名中中等一千一百九十三名已
上二等稍堪教練其中下等二千一百二十二名堪
爲火兵雜流其餘下等三則俱不堪用止因此時營
房未完摘其稍壯者供應力役大都三營之兵非田
野小民則衙門人役自來不識兵戈比於近年調募
各路軍兵已爲下乘又於其中選去上等援遼四分
之一卽所謂上者未必果上而所謂下者真最下矣
故據臣所見七千五百人中略能荷戈者不過二千

并入可克廝養者，不過四千。求其真堪教練，成爲精銳者，不過一二百人而已。此臣簡選之大略也。廠庫領出盔甲，止頭盔可用，其暗甲止可披戴操演，稍令習於負重，臨事無一足恃者。器中止有鋼快刀可用，其餘亦止堪操習。它若臣所酌用鎗筦、鈹鎗、鑲棍、長短器械等，全然未備。除借發價值於近地置買雜木棍一千二百根，暫時應用外，有河南領兵守備丁呂試捐條一百餘兩。差官置買嵩縣槍棍等桿，未到臣。又借支錢糧陸續製造鈞鑲銳鈹等二百餘件，其領

出湧珠佛郎機三眼等大小砲位。炸裂極多。悉不敢用。止有鳥銃一種。曾經試放不壞。陸續改造機牀。分發演習。其餘應造者。料價全無。悉在停閣。此三營軍火器械之大略也。各營中等三則。先委旗鼓官盧學信督練。官金秉忠等編成隊伍。分委教練官徐忠等率領教師。習學器藝。今委中軍都司錢世禎總率訓練。習學鳥銃。及長短諸藝。其合式中的者。十有四五。若專心習學。再經數月。卽能者十有七八。其不能者。不可強也。此三營教技之大略也。從來操演之法。皆

用方營。北邊臨陣。却用圓營。臣酌古準今。定爲營部
哨隊伍。皆用方圓曲直銳伍法。自五人以上。至於數
十萬。散可散操。合可合操。庶得曲直繁簡之衷。且於
操練之中。卽寓戰陣實法。頒布演習。先習伍。次習隊。
以漸成營。但皆步兵。未及騎戰。其步營遇大敵。又須
戰車大砲。一時吏士。多有精曉製度。諳習施用者。苦
無錢糧成造。而欲練騎兵。又須堪戰之馬。及合用鎗
甲。亦皆一時難得。未敢遽言。此練習營陣之大略也。
總而計之。大都徵調之人。習於兵革。召募之人。有志

向往此兩者練習尚易。獨僉派之兵。非惟無此積習。無此技能。兼亦無此見聞。無此志意。譬如村學蒙童。未識字義。欲令歲月之間。遂能搦管爲文。遂堪入闈。尚試爲塾師者。固甚難矣。如是而質地可學。猶尚易也。其如各州縣官。誠心體國者。不乏。苟且塞責者。較多。中間有大半強壯者。亦有大半老弱。或雜以疲瘡殘疾者。如臣愚見。中等之兵。稍堪指教。亦極費力。下等大半悉應退回。祇緣始事之初。人無固志。恐效尤者衆。未敢遽遣。以待稍稍安妥。然後明言。不意至今。

乃有大段未安。全須處置者。蓋凡徵調來者。向入尺籍。加以拊循。便無携志。卽召募來者。旣受安家。更給厚餉。卽教習調遣。久暫遠邇。惟上所命。只聞散之之難。未聞留之之難也。今三省之民。獨異於是。臣自四月中簡選將畢。有陝西河南民兵告乞移文速給安家銀兩者。迨後日日漸多。以致全營來告。臣叩其因繇。皆言應役之初。地方官司。給與印信執照。及開款告示。許以赴守京城。並不援遼。又以二年爲限。限滿自古簽募民兵。心言並不調遣。爲更代一卽另報更替。一年之後。仍再給贍家月糧銀六兩。俱

入戶籍前語皆虛

朝廷非信。可以使人耶

於加派銀兩動支。臣見此執照條例，不覺喟然而歎。以爲練習此兵，雖費盡心力，其人不可得而有也。其力不可得而用也。蓋一有更番之約，卽人人日日只。○更番。○遇。○期。○至。○亦。○隱。○力。○藏。○巧。○惟。○恐。○不。○在。○下。○下。○之。○科。○縱。○使。督責訓練，既有成績，而及期代去。臣等兩年勞勩，盡付東流矣。卽欲強之使留，乃諸人實有父母妻子。目今月糧六斗，銀六錢，僅足餬口。無暇及於內顧。每年贍家銀六兩，必不可少。而此銀又將取給於加編新餉。就而計之，每人每月共用銀一兩一錢，米六斗，用

此月餉。卽於近京地方召募丁壯。自足練習。且亦可久。何必使戍者怨思。居者化離。教習之難如登山。留止之難如搏沙。而上又負不信之名乎。臣所見公文批照。止陝西河南兩營於山西。止見私幫批照。獨平陽一府。聞有更番之議。未見明文。中間事體。略不相同。乃其人尤多老弱。至於不樂其處。而無長居之心。則三省一也。二年之限。今已一年。目今就用新餉銀。人給六兩。止可多留一年。一年之後。若許之更番。其於重練此發兵為萬不可也來代者。又須別給初年安家銀。如河南例入兩。如陝

留則若其思歸代則艱

西例六兩。又須通新教習。於費更多。於事無益。若不許更番。則第三年以後。贍家六兩。歲不可少。而其人愁怨愈深。搏聚愈難。若云昔年所許止。是誘之使來。自今以後。可將更番贍家二議。徑自寢閣。置之不理。月餉六錢六斗。給其衣食。又分以贍家。而能使之安心練習。奮勇敵愾。此則情理之所必無。非臣所敢任也。臣竊見古來行軍用兵。亦多有更番者。然其人素皆練習。亦多有久戍者。必有法使之樂從。若如今日之措置。而能令可久。又能令可用。臣愚不敏。未之嘗

聞伏乞 皇上卽敕該部將臣奏陳事理酌量人情
所宜財用所出從長計議務令力爲可繼情爲可安
勢爲可久或有未妥不嫌改弦易轍以求至當臣懼
官承乏庶得藉手以報 上命如或不然恐遷延日
久耽悞愈甚它日計之無絲毫之益而有丘山之損
臣不足惜其如國事何哉臣亦願當事者勿謂臣今
日不言也伏惟 聖明裁察施行

謹申一得以保萬全疏

城守臺銘

本年四月該吏部題爲緊急軍務等事內奉 聖旨

少詹事徐光啟卽令回京欽此臣原以疾請告奉

旨回籍恐途中醫藥未便暫居天津調理旋已戒行

不意東事敗壞仰蒙皇上念臣犬馬之忱期臣洩

渤之用雖病體未痊而義無反顧遂於本月十六日

輿疾就道十八日到京二十六日 陛見念臣本以

腐儒叨官翰墨東事之初全無責任何爲多口招尤

自棄於日月之側乎實知此事必未能了必須盡用

臣言然後可濟又念此時不言俟再敗而後言之不

惟無及於事亦非人臣之義也故汲汲建議議雖不

用由今思之臣無不早言之悔矣臣昔年諸疏大都
言戰勝守固必藉強兵欲得強兵必須堅甲利器實
選實練量錯曰器械不利以卒予敵也卒不可用以
將予敵也今之兵將皆明知以我與敵誰肯向前既
不能戰便合嬰城自守整頓大砲待其來而殲之猶
爲中策奈何盡將兵民砲位置之城外一聞寇至望
既有強兵便可戰於城外何止城下哉
風瓦解列營火砲皆爲敵有返用攻城何則不克陣
無守兵人知必破合城內潰自然之勢是諱嬰城自
守之名而甘喪師失地之辱臣不能爲在事諸臣解

也。從前再敗，病根易見。及今不思變着，雖徵調招募，更如前日。而奴之勝勢，已十倍於昔矣。況未必能如前日乎。今欲求堪戰之兵，必悉用臣言，日夜營辦，遲之數月，然後可得。而寇在門庭，又不能待。臣之愚見，以爲廣寧以東一帶大城，只宜堅壁清野，整備大小火器，待其來攻，憑城擊打。一城堅守，必不敢募越長驅數城堅守，自然引退。關以西只合料簡大銃製造火藥，陸續運發，再用厚餉招募精兵，能守城放砲者，令至廣寧前屯寧遠諸城，助之爲守。萬勿如前二次。

列兵營火砲於城壕之外。列營城外亦須接陷駐擺教場萬無此理也糊塗浪戰卽是目前勝算

矣。待兵力果集。器甲旣精。度能必勝。然後與戰可也。

至如都城固守。尤爲至急。凡兵家之法。近攻者先剪其枝葉。遠攻者必圖其根本。根本一固。敵必不敢深

入重地。自取覆敗。今京師固本之策。莫如速造大砲。

蓋火攻之法。無他以大勝小。以多勝寡。以精勝粗。以

有捍衛勝無捍衛而已。連次喪失。中外大小火砲。悉

爲奴有。我之長技。與賊共之。而多寡之數。且不若彼

遠矣。今欲以大以精勝之。莫如光祿少卿李之藻所

陳與臣。昨年所取西洋大砲。欲以多勝之。莫如卽令之藻與工部主事沈際等鳩集工匠。多備材料。星速鼓鑄。欲以有捍衛勝之。莫如依臣原疏。建立附城敵臺。以臺護銃。以銃護城。以城護民。萬全無害之策。莫過於此。若能多造大銃。如法建臺。數里之內。賊不敢近。何況仰攻乎。一臺之強。可當雄兵數萬。此非臣私智所及。亦與薊鎮諸臺不同。蓋其法卽西洋諸國所謂銃城也。臣昔聞之陪臣利瑪竇。後來諸陪臣皆能造作。閩廣商民亦能言之。而刑部尚書黃克纘。浙江

按察使陳亮采知之尤悉亮采遺書克績又展轉致書於兵部尚書崔景榮力主此事當在亟問亦非獨臣一人知之言之也此功一成真國家萬世金湯之險不止一時禦寇之利卽奴賊聞之決不敢肆行深入都人見之必肯安心固守南行之人皆將返首來歸海內姦雄亦且潛消異志若不營此事臣轉展思維別無應急之算更復悠悠忽忽坐待敵來倉皇無計必且出於至下之策而大事去矣臣建此議今已三年近日同朝諸臣如刑部侍郎鄒元標等數臣力

主臣說其餘面相咨問皆以臣言爲是也昔者晉楚爭鄭鄭之大夫或欲從楚或欲待晉公子驂曰發言盈庭誰敢執其咎請從楚驂也任其咎所云任咎者謂誤國則伏其誅也今日之事若盡用臣言造臺造砲悉皆合法而它日有一賊一馬橫行城濠之外者臣請以身執其咎矣都城旣安就用此法行於邊境各處守城甚易兵數必然減省省兵之餉并以厚戰士以精器甲自然人人賈勇何至如今畏敵如虎視營伍如陷阱乎伏望皇上決意行之宗社生靈無

不幸甚至論此事經費未曾量度估算恐亦無多就令多費乃是萬年本計古所謂金城鐵甕倍勝積金於庫藏而它日所省養兵之費又且不貲豈比遼左千百萬金錢委諸逝波而又以土地人民殉之者乎此外強兵決勝之計略具前上諸疏中容臣卽日再行摘取緊要事宜恭請欽命施行今未敢盡陳仰瀆聖聽也

按東事數年旣未能戰又不肯守城外列營寇至則潰遂爲膏肓之疾袁經略在永平曾遣親吏來

咨求守禦之策。深相憑信。遼陽之行。意謂足可倚仗。及寇至之日。與張忠烈高監軍定議守城。分派信地矣。俄然變計。城陷身亡。蓋有必死之忠。而爲必生者所悞也。曾不思必生之道。無過於守。且戰者自戰。守者自守。兩不相待也。奈何言戰則盡撤守備。而聽之一敗。卽以城予敵耶。惟邇年寧遠之守。屹然不惑。遂得以杯上障滔天。嗟乎封疆之臣。鑒之哉。自記

世言惟能戰而後能守者。於賊初入境之時。遣奇

兵扼要設伏以擊之、使不敢近城耳、若夫賊旣臨城之後、惟有大治守具、使我備旣定、然後分遣壯士、或縋城、或鑿門、或劫之、或誘之、使之多損士卒、不能久攻可也、若列大營於城外平衍之區、待敵之來、爲背城之舉、萬一敗北、無論城陴盡撤、守禦卽守禦粗備者、一見敗形、衆情便異、并城不可全矣、

申明初意錄呈原疏疏

選兵製器

竊惟臣於萬曆四十七年三月二十等日見遼東三

路敗衄、失亡甚多、主憂臣辱、不勝感憤、尤可惜者、驅
邊腹之民而盡斃之、後難調發、尤可憂者、盡中外之
火器而盡予之、後難抵敵也、故再三陳說、大略謂兵
不在多、只宜講求敵之勝我者、何故、因思我今勝敵
者何法、商量定算、務出敵人之上、其下手之處、全在
先造精堅甲冑、鋒利器械、大小火炮、次用厚餉、挑選
召募海內奇材異能之士、博選教師、統以良將、馭以
嚴法、倣束伍以立陣、兼車砲步騎以結營、務使人皆
壯勇、技皆精熟、遠擊則百發必中、近鬪則一可當十、

而又臂指相使、分合如意、疏行密陣、勢險節短、如是者器械之費、一人當十、糧餉之費、一人當三、然此豈如臣所計精兵只須二三萬、役不過二三歲、大略費五六百萬、可以竣事矣。乃所造器甲尚留爲千百平之用、費猶不費也。不圖言之嘵嘵、一不見信、諸凡區畫未免拘泥常格、因循積弊、終于棄置堅城、糊塗浪戰、臣之原疏、所謂擔雪填井、有損無益、所謂如卵投石、至卽糜爛、不幸而中矣。卽今再行調發召募、以備應援、圖恢復、亦須細細商求、一切甲冑車輛軍火器

械揀選練習必用何法。可以大勝于前。必用何法。可以倍強于虜。然後一意從事。如設的而求中。立表而求至可也。若止如前行徑。則旣以之再敗矣。今將何恃而必勝乎。四年以來。非無良將也。兵不精。器不利。良將不當懦將之用。無非勁卒也。不選不練。無器無法。勁卒不當弱卒之用。非無厚餉也。人多而粟少。金賤而物貴。厚餉不當薄餉之用。今求必勝之兵。必將悉反前轍而後可。臣嘗言養兵之要有三。曰少。曰飽。曰好。惟其少。所以飽也。惟其飽。所以好也。惟其好。所以

以少也。嘗議選練之格。選用之初。須年二十以上。四

游手市棍必不可任

十以下。力舉五百斤以上。穿戴盔甲四十斤以上。又
須精悍趨捷。有根着。有保任。不合格者不取也。合格
者。謂之隊兵。隊兵之中。能習演一藝以上。精熟可用
者。即爲鋒兵。鋒兵每月給餉二兩一錢。安家衣鞋銀
二十兩。其能舉六百斤以上者。每加百斤。每日加銀
一分。隊兵未習藝者。先給月餉一兩五錢。待藝成。照
例加給。其鋒兵再令教習。有各藝皆精。超出儕類者。
以漸加增。至每日一錢而止。謂之壯士。壯士之中。又

射近不射遠此原陣而非新法也

拔其尤。如弓矢于三十步外。三寸之的。百發百中者。鳥銃于六十步外。三寸之的。百發百中。又一銃連發。九九略與射矢同疾者。大砲能於三五百步外。立的。命中。又裝打迅疾。連中數次者。放鎗刺劍。俱能千方寸之的。百發百中者。其餘各技。悉立一比較之法。而百試不失者。謂之上士。其餉亦以漸增。加至每日二錢而止。其日食。二錢者。仍歲給安家銀十兩。若選募之日。就可充壯士。上士者。卽與應得餉給。如此精卒。總合四等。得二三萬人。配以車騎。齊以法制。束以部

伍。嚴以賞罰。用之戰可以勝。用之守可以固。此臣之所謂兵也。其造用。須通身全具。以能禦烏銃爲度。刀劒之屬。以連截數釘爲度。槍之屬。以戳鐵不損爲度。大小銃砲。以倍藥倍丸數發不損爲度。此臣之所謂器也。總之。則所謂器械之費。一當十。糧餉之費。一當

三。不容損矣。苟卿論兵。謂慮事欲熟。而用材欲泰。蓋

糜費必始於苟且。

慮熟而用。用得其當。雖泰實省也。作室必須木石。炊飯必須水米。若欲束芻成室。搏沙作飯。省則省矣。其如敗壞何哉。臣書生之見。何敢自謂勝籌。所言曾未

施行何自得有明驗所以不能無言者爲今日之虜
非三月以前之虜又更非三年以前之虜也臣自戊
午入都嘗爲人言今日之奴蜂蠆耳一失策必且化
爲豺狼再失策必且化爲虎豹所以冒昧陳言爲積
豕牯牛之計今果化爲虎豹矣所以然者非在士衆
之失亡非在金錢之耗散非在土地之淪胥也蓋在
罄中外之大小火器而盡予之耳三路之敗見于奏
報者一萬二千朝鮮奏報者七千遼瀋二城從京庫
器皆小者其大神器不能用也
解發及各路援兵攜帶并舊存守禦者豈止二萬大

今奴所用火

約火器四萬。火藥不止一二百萬。皆拱手而授焉。今將何以禦之。又將何以勝之。曷不從此等喫緊之處。一計算乎。謂賊有之而不能用者。皆粗贖虛想之言。萬無一有之事也。臣猶記壬子之歲。朝鮮奏稱。奴酋遣使市硝磺于該國。辭以原無出產。每從天朝市買。限有歲額。無可售者。則賊之經營此物。有年歲矣。豈共得之而不用乎。四十七年冬月。演放鎗砲。見于阿利之親招。川浙二兵。大戮賊衆。被東賊連放大砲而潰。見于近日之傳報。卽又何嘗不用乎。故如臣所言。

昔華人數之也

製造選練、若在三年之前、可以必勝、其在今日、卽有
精兵利器、而勝負之數、猶未可定、臨期應變、尚在主
兵者別有妙用、非臣所能豫籌也、况兵未精、器未利、
而可僥倖千萬一乎、臣竊恐當事諸臣、狃于眉睫之
論、以舊日之奴待之也、故敢爲剖析如此、但此意可
使當事知之、自爲必勝之策、不可爲士卒遽言之、生
其畏難之心、如臣此等章奏、俱不應發抄、而報房無
知、往往竊謄傳播、大都今日兵機要務、言出口而敵
敵一謀一語尤爲可恨
先聞矣、使得因我備以備我、用我謀以謀我、皆不可

我不可得

之大者且才臣策士習見時情如此雖有奇謀秘計知其無益不敢言也伏乞敕下所司一切本揭關係兵事者着實嚴禁不得妄行抄傳違者以漏泄論罪庶令玩法者知儆抱奇者獲申矣

實錄纂脩官董宗伯其昌論曰臣按國之大事在戎暫費永寧昔人所趨見小欲速祇誤國耳李信用兵二十萬視王翦六十萬費孰爲省竟何益於勝敗之數哉徐光啟所議練兵費二百萬樞臣計臣相顧愕眙見謂費多而效緩訖無以應營緒未畢

一簣中止、至於招募四出、坐糜千萬、無一勝兵、而後覈其乾、不亦晚乎、夫以肩越虛恢之腹、而以寒陋掣任事之肘、可歎也、

略陳臺鏡事宜并申愚見疏

建造臺鏡

先該臣前後奏陳京師固本之策、莫如製造大鏡、建立敵臺、可以一勞而永寧、暫費于前而大省于後、奉旨下部覆稱、興作甚煩、經費無出、况工部原無額派邊方軍需錢糧、近蒙皇上允發帑金肆百萬兩、未經分受、今以敵臺工料銀兩責成該部、實無所出、若

非皇上垂念根本至計，另發帑金，則此臺此銃必無可成之理。臣見目下遼左軍需急如星火，亦知發帑殊恩難可屢徼，而冒爲此請，似欲自伸其說，違時訓舉羸之戒，然而實不敢也。昔人論兵，皆欲識時務，明彼已，古之遠器，不過弓矢。五代以來，變爲石礮，勝國以後，變爲火器。每變而趨于猛烈，則火器者，今之時務也。遼左再敗之後，賊則昔無，今有，有而且多。我則昔多，今少，少而且劣。我雖舊有，用之甚拙。賊雖創有用之甚工。如近攻遼陽東門，賊來止七百人，車載

大銃。我川兵千人逆之。賊發虛銃二次。我兵不損一人。因而直前搏戰。迨至二三十步。真銃齊發。我兵存者七人而已。夫假銃誘敵近。而後發。則勢險節短。此用器要術。臣嘗密與諸將吏言之。不謂賊已暗合。若

愚皆在於怯也

我兵則初見敵塵。便已發銃。無一中者。敵近則委而去之。兩者巧拙何如也。此彼已之情也。故臣料敵今攻城。必不遽用雲梯鉤杆諸物。必先置大銃於數十百步外。專打城堵。城堵既壞。人難佇立。諸技莫展。然後以攻具乘之。臣不知今之言守者。將何以應之。賊

今野戰亦不用弓矢遠射。騎兵衝突必置小火器于前行。擡營而來。度不中不發。如遼陽之法用之。臣不知今之言戰者其又將何以應之。此自今以後戰守皆務也。亦彼已之情也。臣三年之前慮欲使戰勝守固。又不欲使民命盡而國財殫。故言守城必造敵臺。必造大小火銃。一一如法而後可言戰。必須多用大小火銃。載以砲車。雜以戰車。又須堅甲利器。厚餉精兵。一一與銃相稱。而後可。不敢謂預知賊勢之至此也。而不幸已至此矣。爲今之計。比臣昔日所言。宜

有過焉豈可不及乎。蓋今日之戰守而無大小銃砲。猶空手遇虎狼也。有銃而無臺。無堅甲利兵。猶手太阿之劍而無柄也。數者皆備而不能深求施用之法。合戰之權是有劍而不知刺劍之術也。若置銃于城之外以守。毆不教之民而挾銃以戰。是又倒持太阿以柄授人也。夫兵器之烈。至一發而殺百千人。如今日之西銃極矣。無可加矣。若守而無臺以用之。戰而無堅甲利器。精卒以稱之。必將如前二次。返爲賊有。或機事不密。賊亦竊用其法。自此之後。更無它術可

以禦賊。可以勝賊矣。此說臣言之再三。莫或見信。然而不得不言者。緣西銳一節。取器取人。臣等實爲始事。若不盡如臣法。寧可置之不用。後有得用之者。若但知慕用之。而不講求其所以用。萬一債事。至于不可救藥。則區區報國之心。翻成悞國之罪。臣所以展轉不安。寢食俱廢。不得不瀆陳于 君父之前也。望皇上采聽臣言。欽定數目。慨發工部應用。成就此功。他日不論邊境安危。但屹然稱金湯之固。卽此所費金錢。與積諸庫中無異。且覺更有利益耳。若云東事

方急無暇於此。則臣以爲都城用財。似是大工同例。不必於東事相涉也。卽今卜素生心于北。火酋側目于西。儻有變動。豈其專力東方。弃而不應乎。不及此。皆一爲根本之計。恐它日之不暇及此。甚於今日。且此功旣成。醜虜聞之。絕無深入之志。正可專力東方耳。宋祖建汴京城。紆斜迴曲。極便于守。遼人渝盟。韓琦范仲淹議脩京城。爲呂夷簡所沮。政和間蔡京脩之。悉改舊制。方直如弦。後粘罕見之。曰。此定易攻耳。成祖所定。不知何以亦用方制。然燕薊之險在外。使宋人無改藝祖之制。早從韓范之說。卽有靖康之

今京城

勢則非汴都可比矣。變豈不能堅守以待勤王之師。若更能修政立事。一

意自強。卽燕雲可復。遼金元迭起相殘。顧將乘其敝而取之。孰敢窺左足于大河之南哉。前事若斯。抑亦今之殷鑒矣。伏惟聖明裁酌。

皇明經世文編卷之終

皇明經世編

徐文定集

建寧縣

卷

平露堂